

Bildu Hernani plataforma Urnietan egin nahi den inzineradoraren kontra azaldu da

■ Bestelako alternatibak badaudela dio eta "asmo hauekin amaitzeko konpromezu sendoa" azaldu du ■ Bestalde, Urnietako Udalak azterketa berriz egiteko eskatu dio San Markos mankomunitateari.

SAN Markos mankomunitateak erraustegia Urnietan egiteko hartutako erabakiak ederki harrotu ditu hautsak eta oraindik luzerako gaia izango dela dirudi. Azken egunetan salaketa eta deklarazio ugari izan dira eta ez dago batere argi aurrera zein erabaki hartuko diren. Gaur egun San Markos mankomunitatea osatzen duten herrietako hondakinak (Donostia, Errenteria, Pasaia, Oiartzun, Lezo, Astigarraga, Lasarte-Oria, Usurbil, Urnieta eta Hernani) San Markos bertederora botatzen dira, baina, 2006rako bete egongo da eta itxi egingo dute bertederora. Ordurako inzineradora eginda edo bidean egotea nahi du makomunitateak.

Bildu Hernani: "herriaren geroa hipotekatzen ari dira"
Bildu Hernani plataformak Kronikara bidalitako prentsa ohar batean dio hiru lantegi kimiko baditugula Hernanin "arisku haundiko" moduan

sailkatuta "baina badirudi instituzio ustel eta baztertzaila hauentzat hori zigor gutxi dela eta beste mehatxu erraldoia gertu gertu dugu: Urnietan ipini nahi duten erraustegia hain zuzen ere" dio plataformak. "Inposatu nahi diguten garapena gure herriaren geroa hipotekatzen ari da" nabarmendu du Bildu Hernanik eta erraustegiaren kontra egoteko arrazoi asko daudela eta Urnietako herritarrak arrazoi horiek zabalteko "lan eredugarria" egiten ari direla dio prentsa oharrean. Bildu Hernanik alternatibak badaudela dio eta konpromezua hartu du "asmo ero hauekin" amaitzeko.

"Zilegitasunik ez du"
Bestalde Plataformak dio erabaki hauek hartzeko agintariek erabiltzen dutela "herriar talde haundi bat jasaten ari den jazarpen poliziala eta politikoa" eta gaur egungo instituzioek ez dutela herria

ordezkatzeko eta erabakiei "zilegitasun osoa" kentzen diela.

Urnietako Udala kontra
Urnietako Udalak joan den astean plenoan erabaki du San Markos mankomunitateari azterketa berriz egiteko eskatzea. Udalak dio Gipuzkoa guztian egin behar dela azterketa erraustegia non jarri erabakitzeko, eta ez San Markos mankomunitateko herrietan bakarrik. Bestalde, Arnasa plataformak deituta manifestazioa egin zen joan den igandean Urnietan eta 1000 lagun inguruk egin zuten erraustegiaren kontra.

Inzineradorak Urnietan behar duela dioen azterketa San Markos mankomunitateko herrietan egin da, baina, erabakitzeko dago Gipuzkoa guztirako edo mankomunitateko herrientzako izango den inzineradora.

San Markos: "erabat ukatzen dugu informazioa"

teknikoa ezkutatu izana"
San Markos mankomunitateak azken aldiaren komunikabideetan ateratako hainbat afirmazio gezurtatu egin ditu prentsa ohar batean. Bonneko eta Leverkusenek inzineradorak ikustera joan berriak dira Urnietako zinegotzi, komunikabide eta gizarte eragileekin eta Arnasa taldeko ordezkari batek informazio teknikoa ezkutatzeko saiatu izana leporatu dio San Markosi. San Markosek hori gezurra dela dio eta bertan izan diren kideek nahi zuten galderak egiteko ez duela inolako oztoporik jarri nabarmen du. Bestalde, erraustegiaren Urnietan behar duela dioen azterketa manipulatu izana ere leporatu diote San Markosi eta mankomunitateak erabat gezurtatu du hori. Prentsa oharrean San Markosek eskatu du "errausketa plantari buruz egin nahi diren kritikak razionalak eta egiazkoak izatea". □

'Hiesa, dagoeneko ez da ezer gertatzen?' tertulia bihar Biterin

HIESA prebenitza bultzatzeko tertulia antolatu du Ongintza patronatuko prebentzio zerbitzuak, *Hiesa, dagoeneko ez da ezer gertatzen?* izenburuarekin. Harri Beltza taldeko Joseba Rekaldek emango du, bihar astelehena, 14:45etan, Biteri kultur etxean. □

JUBILATU ETXEA

Iratxera egun pasa joateko lekua bada

JUBILATU Etxeak Iratxera egun pasa antolatu du abenduaren 9rako. Jakin arazi dute oraindik badaudela lekuak libre eta joan nahi duenak Jubilatutxean bertan eman behar du izena. □

WATERPOLOA

Hernani B-Osasuna gaur kiroldegian

WATERPOLOKO bigarren taldeak kiroldegian jokatu du gaur eguerdiko 13:00etan Osasunaren kontra. Hernani Bk lau jokatu eta partidua bakarra irabazi du orain artean eta gaur 2garren garaipena lortu nahi dute nafarren kontra. □

MAHAI TENISA

Hernanik liderra hartuko du gaur etxean

MAHAI tenisean Hernanik Santiago TM taldearen kontra jokatu du gaur kiroldegian, 10:00etatik aurrera. Hernanierrek zail dute gaur irabaztea, Santiago TM-k ez baitu oraindik partidurik galdu. Lehengo asteburuan 2garren mailako taldeak jokatu zuen Leka Enearen kontra eta 4-2 galdu zuten hernanierrek. Taldea azkena dijoa partidurik irabazi gabe eta maila galtzeko arriskuarekin. □

Saxo kontzertua gaur Udaletxeko arkupetan

HERNASAX taldeak saxo kontzertua emango du gaur Udaletxeko arkupetan, eguerdiko 13:00etan hasita. Hernasax Musika Eskolatik sortutako taldea da eta gaur saxo talderako moldatutako obra klasikoak joko dituzte: Domenico Cimarrosa italiarraren Concierto obra, Heitor Villa-Lobos brasildarraren Bachiana brasileira obra, eta JS Bach alemaniarraren Concierto de Bandenburgo obra. Horrez gain, Judith Montero saxo sopranoak obraren bat joko du bakarlarri. Hernasax osatzen dute Judith Montero saxo sopranoak, Mikel Elola, Aritz Ostolaza, Edgar Carbajo eta Itsaso Pacheco saxo altuak, Bauti Cuenca eta David Muriel saxo tenorak eta Zipri Otxandorena saxo bari-tonoak. Zuzendaria Roberto Pacheco da. □



Hernasax taldea Milagrosako kontzertu batean.

PABLO LA
XXIII ARTI/AV AZOKA
HERNANI
ABENDUAK 7, IGANDEA
GUDARIEN ENPARANTZA

HORTZ KLINIKA
Garmendia

Odontologia orokorra
Txirrita kalea 13 -1ª ezk.
Tel.: 943 55 34 92

SANTA BARBARA
PEUGEOT

Tailerrak: Larramendi 15 - Exp: Arantzazu 15 ☎ 943 551139 / 943 551979
Auto eta furgoneta zaharrak, 2. eskukoak aldatzen ditugu

406 Diesel HDI 110	- Aire egokitua	12.822 €
Ford Escort Turbo Diesel		4.507 €
Berlingo Diesel	- Aire egokitua	8.816 €
Jeep Cherokee TDI	- Aire egokitua	9.818 €
Fiat 1 3 ate Diesela		2.885 €
Land Rover - Pik NP	- Aire egokitua	2.855 €
Saab Coupe 2.000	- berri berri	5.812 €
Rover 45 Turbo Diesela	- Aire egokitua	9.616 €

...eta hainbat kotxe merke



Iraitz Garmendia zigor kolpea botatzen eta taldekideak badaezpada aurrera.

Partidu izugarria egin gabe irabazi zion Hernanik Atletiko San Sebastiani, 32-12

■ Hernanik lider jarraitzen du jokaturako sei partiduak irabazita.

ERRAZ irabazteko partidua zuen atzo Hernanik teoriar, baina, uste baino gehiago borrokatu behar izan zuten Atletiko San Sebastianen kontra, akats gehitxo izan baitziren partiduan. Lehen denboran erdi lotan atera ziren etxeok eta behar baina motelago ibili ziren eta donostiarrek gauzak estu jarri zizkieten. Bukaeran

14-9. Bigarren denboran pixka bat hobeto jokatu zuten hernaniarrek eta azkeneko tarte handia egitea lortu zuten, 32-12. Hernaniarren etsaioak: Aitzol Larrañagak 1, Iker Apezetxeak 2, Thierry Lamaisonak 1 eta Boli Secok 1. Iraitz Garmendiak 2 transformazio eta zigor golpe 1 sartu zituen.

Orain gogorrena

Lehen buelta bukatzeko 3 partidu falta dira eta azkeneko biak ez dira samurrak izango hernaniarrentzat. Datorren larunbatean irabazi beharko partidua du Hernanik Logroñon eta gero Gernika etxean eta Durango kanpoan. Bi talde bizkaitarrak 2 eta 3garren dijoaz hernaniarren atzetik. □



Jendea erakusketan jarritako argazkiei begira.

AHTaren kontrako erakusketa atzo

ABIADURA Haundiko Trenaren kontrako erakusketa informatiboa jarri zuen atzo Plaza Berrian AHT gelditu! taldeak. Hernanin trenbidea egitean ingurua nola geldituko den ikusteko argazkiak jarri zituzten eta panelak AHTaren aurka zergatik dauden azaltzeko. Taldearen hitzetan inguruan eragin kaltegarria izango du, baserri ugari botako dira, kutsadura bisual handia eragingo du, beste garraiobide publikoen kontra joango da eta hiriak potentziatuko ditu herri txikien kaltetan, besteak beste. □

Hernaniko Kronikako laguntzaile izan nahi?

Urtean 30 eurogatik egunero **kronika** dohainik

Telefonoz hartuko dizkizugu datu guztiak:

☎ **943 330899 - 656 703814**

Bonoa zeuk bete nahi baduzu, jaso leku hauetan: Conde (Urbietan), Zinkoenea, Iruretagoiena (Kale Nagusia), Kronika (Larramendi 11) eta Dobera (Larramendi 11)

Iñigo Royo Manterola

Kiromasaia Naturopatia
Reflexologia Homeopatia
Auriculoterapia Iridiologia
Arazo neurologiko eta
bizkar hezurrekoen konpontzea

Sta. Barbara 42 - 2. esk. - 626 807 633



Zapa 8 - ☎ 943 33 15 06 -

■ HITZ BITAN



Ur jolasak lehenengo kurtsoan, igerilekuan.

✓ UR LUDOTEKA

Ur jolasak gaur kiroldegian. Hernaniko igerilekuan ur jolasak izango dira gaur umeentzat, goizeko 10:00etatik 11:30etara. Igerilekuan materiala egongo da eta umeek monitorea edo gurasoei jolas egiteko aukera izango dute.

✓ KAROBI ELKARTEA

Barrikotea abenduaren 5ean. Karobi elkarteak barrikotea antolatu du datorren ostiralerako. Izen ematea irekia dago bazkide eta laguntzako, Karobi elkartearen bertan.

✓ BERTSOLARITZA

Gipuzkoako txapelketako azken finalaurrekoa.

Gaur jokaturako da Tolosako Leidor zinean Gipuzkoako bertsolari txapelketako azken finalaurrekoa. Jexux Mari Irazurekin batean ariko dira Jon Maia, Iker Zubeldia, Iñigo Manzisidor, Jon Martin eta Iñigo Izagirre. Lehenengo gelditzen dena zuzenean pasako da finalera eta gainerakoak puntuazioz sailkatuko dira.

✓ PELOTA

Gipuzkoako txapelketako bi partidu gaur.

Pelota partidua dira gaur kiroldegiko frontoian, goizeko 11:00etan. Lehenengo partidua jubenil mailakoa izango da, buruz buru. Huizi hernaniarrek Anaitasuna taldeko pelotariaren kontra jokatu beharko du. Bigarren partidua afizionatu mailakoa da eta Alvarez eta San Sebastianek bergararren kontra jokaturako dute. Paleta Goman Manzisidor eta Martinez Altzan ariko dira Altzatarrak taldeko bikotearen kontra, 11:45etan. Bikote hernaniarra bikain ari da eta lehenengo astean Arozena eta Urkizu Gipuzkoako txapel-dunei irabazi egin zieten, 30-28.

✓ ZINEA BITERIN

La pelota vasca eta La Leyenda del pirata barba negra.

Bi pelikula botako dituzte gaur Biterin. 17:00etan umeentzat *La leyenda del pirata barba negra*. 19:30etan helduentzat, *La pelota vasca. La piel contra la piedra*. □

IRAGARKI MERKEAK

Iñigo Royo Masajista. Ajuste neurologiko eta bertebrala, naturoterapia, masajea, reflexologia, auriculoterapia, ...: **943 33 28 94 - 626 80 76 33**

Kale animaziorako jendea behar da, gabonetako kanpainarako. Mimoa, jokoak, musika, antzerkia eta abar.. Deitu: **943 55 55 19**

Jubilazioa dela eta, martxan dagoen arrandegia saldu edo alokatuko genuke prezio onean. Deitu: **943 55 61 83**

Lan bila nabilen neska bat naiz. Deitu: **626 91 97 12**

Gela bat alokatzen da, zentroan. Oso egokia kontsulta lanetako (fisioterapia, abokatuak, psikologo, ...). Interesatuak deitu: **943 55 46 97**

ZERBITZUAK

☎ TELEFONOAK

☎ Taxiak: 943 550093
☎ Udaltzaingoa: 943 333288
☎ DYA: 943 464622
☎ Autobusak: 943 556662
☎ Anbulatorioa: 943 006666
☎ Jokalari anonimoak: 943 331103

☎ FARMAZIAK

☎ Egunez: Chucla Kardaberaz 48 ☎ 943 551793
☎ Gaez: Atxa-Orbea Lasarte. Hipodromo 6 ☎ 943 363549



TXIMELETA OPARIAK
Txirrita 10 - 943 55 23 95